

3
CELSISSIMÆ

ECCLESIARUM TURRI,

SUPEREMINENTI SACRATO OBELISCO,

ALTISSIMO PYRAMIDI,

VALDISSIMO ARCIE VIVIS,

ET ELECTIS SCIENTIÆ,

SANCTITATIS,

ATQUE HISPANICÆ NOBILITATIS

PURPURISSE CONSTRUCTÆ,

QUAM SIBI REGIAM DOMUM

ÆDIFICAVIT SAPIENTIA GLORIOSA

CLYPEIS AUREIS MUNITAM,

ET QUÆ CELSA DE VIVENTIBUS

SAXIS AD ASTRA TOLLITUR,

ÆTHERAQUE PERTINGENS

RELIGIONIS EXTAT FIRMISSI-

MUS ATHLAS,

ATQUE SISTIT HONOS. NON TAM

UNIUS HISPALENSIS URBS, QUAM

TOTIVS HISPANICI ORBIS.

OMNIGENÆ SAPIENTIÆ

AMPLISSIMO CORYPHÆO, NOBILIORI

ROMANÆ ECCLESIAE

STEMMATI,

SCIENTIÆ, ET VIR TUTIS LOCUPLETISSIMO

ERARIO, OMNIUM VENERATIONE ME-

RITISSIMO COETUI, EGREGIIS MI-

NERVÆ PROCRIBVS,

QVOS

QUOS METRICO CULTU PLAUDERE
VIDEBATUR CARDUCCIUS.

*Emicat Altitroni cultu venerabili cætus
Egregiis viris nobilis Arcis chorus.
Justitia, ac pietas in his comitata coruscant;
Hæc eorum pectus protegit, illa latus.
Alta fides etiam dilectio fida nitescit,
Et per hos populus vota superna collit.
Quis numerans radiet virorum sparsus in Orbe,
Quanta Columnarum gratia fusa viget.
Per regna, per populos sua sidera præsent
Quicquid ab Oceani circulus ambit aquis.
Arctos, Meridies, Oriens, Ocasus honorat
Lumina sideribus clarificata suis.*

HIS IGITUR VIÆ LACTEÆ STELLIS
CANDIDATIS, UTPOTE DIGNISSIMO
MECÆNATI, ILLUSTRISSIMO INQVAM
ALMÆ PATRIARCHALIS ECCLESIAE
HISPALENSIS

D. D. DECANO.
ET CAPITVLO

BOETICA PROVINCIA

P.P. CLERICORUM REGULARIUM
Minorum, pro comitiis Provincialibus Congrega-
ta, in gratitudinis signum, in venerationis osten-
tum, & in æternum benevolentiae monimen-
tum, hæc Theologica Thomistica.

Asserta D. O. S.

PRI.

✠ PRIMVM ASSERTVM. ✠



U AUTEM, PATER, GUBER-
nas omnia providentiā. Sap. 14.

Ex quo præclarissimo testi-
monio lumine fidei habemus,
dare in Deo prædestinationem;
& quia est præparatio beneficiorum Dei
in doctrina nostri Angel.
Præc. debet ad suum constitutum
ingredi aliquem

intellectus actum simul cum actu voluntatis, cum
quo vult Deus efficaciter prædestinationem electo-
rum. Qualem in sua constitutione importet in
recto, non est levis difficultas: sed quia magis
consentanea doctrinæ Div. Thom. accedimus
ad communem sententiam affirmantem, forma-
liter, & in recto constitui prædestinationem electo-
rum per actum intellectus; & præsuppositivè,
& in obliquo per actum voluntatis; nec est mi-
nor difficultas in assignando, in quo actu deter-
minato intellectus consistat, sed ut stabiliori sen-
tentix adhæreamus, asserimus in actu imperii con-
sistere: ex quo deducimus cum Divo Thoma, non
solum esse prædestinationem distinctam ab ar-
te, sed imperium, in quo stat forma-
liter prædestinatio, esse distin-
ctum à lege æterna.



SE.

✠(SECVNDVM ASSERTVM.)✠



ON EX OPERIBVS IUSTITIÆ,
qua fecimus nos, sed secun-
dum suam misericordiam sal-
vos nos fecit per lavacrum re-
generationis. Apost. ad Ti-
moth. 3. & 9. ad Rom. Non
ex operibus, sed ex volun-
tate dictum est: Jacob dilexit,
Esau autem odio habuit: Ex
quibus verbis rectè inferitur,

Electionem efficacem ad gloriam esse ante abso-
lutam prævisionem meritorum. Plures sunt effe-
ctus prædestinationis: alii sunt eliciti, ut sunt vi-
sio beatifica, & perseverantia finalis; de quibus
non est dubium esse effectum prædestinationis.
Alii sunt imperati, de quibus adest difficultas, si
concurrant, ut effectus ad prædestinationem, vel
quia absolute ad illam non conducunt, vel quia
communes ad reprobationem, & prædestinatio-
nem; sed quia de permissione peccati est major
difficultas (Vesperè) defendimus: Permissionem pec-
cati in electis, & in reprobis esse effectum præ-
destinationis ex præintenta humilitate, &
principaliter ex præintenta
penitentia.



TER.

✠ TERTIVM ASSERTVVM. ✠



LIGENTIBVS DEVM OMNIA
cooperantur in bonum, iis qui
secundum propositum vocati sunt
sancti. Div. Paul. ad Rom. 8.
Ex quibus verbis educitur,
quod substantia prædestina-
ti, cūm coöperetur ad præ-
destinationem electorum,
est effectus prædestinationis;
ex quo inferitur cum com-

muni Thomistarum, opera bona moraliter elicita
à prædestinato, etiam si sint ordinis naturalis, esse
effectus prædestinationis; neque excluduntur ope-
ra facta extra gratiam, quamvis sint mortua: Nec
substantia prædestinari quoad circumstantias, nem-
pe ingenium, artem, indolem, complexionem,
valetudinem bonam, vel malam, patriam, pa-
rentes, paupertates, & divitias, honorem, &
ignominiam, concordiam, & lites, potis-
simum vitæ periodum longiorem,
aut breviorē.



QVAR.


✠(QVARTVM ASSERTVM.)✠



CONSIDERANDVM EST QVOD finis omnium divinorum operum est manifestatio divinæ bonitatis; sed tanta est divinæ bonitatis excellentia, quod non potest uno modo, nec in una creatura sufficienter manifestari: Et ideo diversas creaturas condidit, in quibus diversimodè manifestatur, præcipue in creaturis rationalibus in quibus ejus justitia manifestatur quantum ad illos, quos pro eorum meritis punit; misericordia verò in illis, quos ex sua gratia liberat. D. Thom. de præd. art. 5. ad 3. Quibus in verbis satis manifestat noster Angelicus Præceptor, dari reprobationem aliorum: Cæterum cum ad reprobationem in executione præsupponantur demerita, adhuc inter Theologos est gravis dissertatio, utrùm ad ipsam in intentione prævideantur absolutè demerita. Nos verò, ut conformiorem Angelici.

Præceptoris doctrinæ, partem ample.

Ætimur negativam.



Parabitur litteraria pugna locus in hac TP. Clericorum Regularium Minorum Spiritui Sancto sacra ade, ubi defendens astitit P. JVLIVS RAMOS, sub tutamine P. JOANNIS PEREZ, in eadem Domo Theologiae Lectoris. Dic. 16. Septembris.



THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1900

1900

1900

1900

1900

1900

1900

1900

1900

1900

1900

ORDINI AMPLISSIMO:

CUI REGIMEN JUPITER,
PROVIDENTIAM JANVS,
MINERVA SAPIENTIAM,
PALLAS FORTITUDINEM MERITO
TRIBUUNT MERITORUM
TRIBUTO.

ILLUSTRISSIMO,
CLEMENTISSIMOQUE

SENATI,

AD COMPATIENDVM TENERRIMO;
facili ad condonandum, prompto ad subveniendum.
Verùm in eo quid non mirabile, quid non
incomparabile, quid non
singulare?

NOBILISSIMO, ET EXCELSO

PRINCIPI:

CVJVS EXIMIAS COGIMVR LAVDES
præterire, illius memores: *In sylvam ne ligna*
feras. De quo aptissimè
Vates:

Quæ summa in summo queruntur Principe, solus
Aut habet hic Princeps, aut ea nullus habet.

CON.

CONSULTISSIMIS, AC INTEGERRIMIS
PATRIBVS CONSCRIPTIS.

DECEDANT UMBRÆ, JAM DIES
ADSIT, RADIET

POST NUBILA PHOEBUS.

MAGNIFICENTISSIMÆ,

ATQVE AUGUSTISSMÆ

HISPALENSI CIVITATI,

INTER OMNES FACILE PRINCIPI,
NULLI FIDELITATE SECVNDÆ,

AQVILÆ REGIÆ, AC GENEROSÆ,
SEMPER AD MAGNA TENDENTI.

CVJVS MAGNIFICENTIÆ
LONGITVDINEM, LATITVDINEM,
SVBLIMITATEM, ET PROFVNDVM
QVIS POSSIT INVESTIGARE?

SOLI BENIGNISSIMO,

CVJVS INFLVXV BENEVOLO OMNES
FOVET, ET ALIT, NEQVE EST,
QVI SE ABSCONDAT
A CALORE EJVS.

DE.

DEJICIAMUS ERGO VULTUM,
NE PERSTRINGANTUR OCULI
TANTÆ DIGNITATIS
SPLENDORE;

ET VENERATIONIS VELO
LUMINIBUS OBDUCTO,

AUREOS TANTUM DEMIREMUR
RADIOS EX HOC SOLE VL-
BRANTES: ETENIM

*Hoc Opus est nostris (Illustres credite Cives)
Viribus, & studio majus, & ingenio.*

*Tutior est, meliusq; potest reverentia muta
Dicere de tanto Principe: Musa tace..*

TANTO DENIQUE MECÆNATI
Bœtica Patrum Clericorum Regularium Mi-
norum Família, gestiens & exultans, tali
auspicio felix, gratos hos Theologiæ flores
ex amœnissima Angelicæ Doctrinæ area
decerptos, in aliqualem addicti
animi tesseram,

D.O.S.

PRI-

)✠(PRIMVM ASSERTVM.)✠(



BI INCIPIT GENVS MORIS,
*ubi primò dominium voluntatis
 invenitur. D. Thom. 2. dist.
 24. quæst. 3. art. 42. Ex quibus
 verbis indubitabile manet,
 libertatem esse omnino ne-
 cessariam ad moralitatem
 actûs. Neque videtur essen-
 tialiter esse requisitam li-
 bertatem contrarietatis, sed*

libertate contradictionis constituitur actus in ratio-
 ne liberi. Moralitas actûs, cum realiter distingua-
 tur ab ejus eitate, & libertate, non consistit
 præcisè in denominatione extrinseca, nec in ali-
 quo rationis, sed in aliquo intrinseco in eo existente;
 non per modum prædicati absoluti, nec respectivi præ-
 dicamentaliter, sed transcendentaliter ad suum ter-
 minum. Plures sunt termini, quos moralitas actûs res-
 picit, de quibus merito potest dubitari, à quo sumat
 speciem: scilicet natura intellectualis, voluntas,
 lex, ratio dirigens, objectum, finis, & cir-
 cunstantiæ: sed cum solum per se primò
 suum objectum respiciat, à solo
 objecto sumit spe-
 ciem.



SE-

✠(SECUNDUM ASSERTUM.)✠



BI NON EST LEX, NEC PRÆ-
varicatio. D. Paul. 4. ad Rom.
& in cap. 7. *Peccatum non co-
gnovimus per legem*: Ex quibus
verbis videtur esse princi-
pium infalibile, dari præter
remotam, regulam proximam
moralitatis, à qua sit boni-
tas, vel malitia actus huma-
ni. Quanam sit, non est faci-

le à Theologis resolutum. Nos tamen, ut firmiori
sententiæ adhaeremus affirmanti, regulam proxi-
mam moralitatis esse dictamen practicum rationis:
Eundem numero actum, sive interiorem, sive exte-
riorem voluntatis, non posse esse bonum, & malum
simul in linea moris, absolute tenemus; cum pra-
cticum dictamen ipsius, moralitatem regulans,
sit præcisè bonum, vel malum divisivè moraliter;
quod quidem dictamen semel stabilitum, si mu-
tetur, jam erit, & actus variatus: quapropter si
& alius actus eliciatur, erit & ab alia regulatione
distinctus: & idè de eodem numero actu verifi-
cari nequit, quòd sit bonus, & malus si-
mul in linea moris, etiam successi-
vè considerato.



TER.

✠ TERTIUM ASSERTUM. ✠



EXPLICANDAS ESSE IN CON-
fessione circumstantias mutantes
speciem peccati. Trid. sess.
14: cap. 5. & can. 7. Ex quo
infertur, peccatum habere
aliquam malitiam moralem
ex ipsis: in quo fundan-
tur omnes Theologi, ad
distinguendum in actibus
duplicem malitiam mora-
lem; aliam substantialem, & primariam desum-
ptam ex objecto, de qua in præcedentibus asser-
tionibus egimus; alteram accidentalem, & se-
cundariam, quam habere dicuntur ex circumstan-
tiis; & quia finis est præcipua circumstantia actus,
non est minor difficultas in assignando suam bo-
nitatem, vel malitiam moralem, quam quidem
asserimus cum communi consensu Theologorum,
esse distinctam specificè à bonitate, vel morali ma-
litiâ objecti. Omnis actus exterior pro priori ad
moralitatem voluntatis habet aliquam malitiam, si-
ve bonitatem objectivam, de qua non adest aliqua
difficultas; A bonitate verò, vel malitiâ formali,
quam non habet intrinsecè, & formalitèr actus,
sed tantùm extrinsecè denominan-
tur morales.

QUAR.

✠(QUARTUM ASSERTUM.)✠



ONA EST ORATIO CVM
jejunio & eleemofyna. Tob. 12.
Omnis qui malè agit, odit lucem
Joan. 3. Ex quibus eviden-
ter inferitur, operationes
aliquando bonas, quando-
que verò esse moraliter
malas. Bonum, & malum
in actionibus, rebusque in
cunctis, attenditur, ut

Div. Thom. hic art. 2. Ex plenitudine eſſendi, vel
defectu ipsius: quam cum ab objecto, non unice, &
ſi primariò habeat; ex fine, aliſque circumſtantiis
ejus plenitudo bonitatis, vel defectus cõſurgit. Cum
quo rectè coheret dari alia facta media, quæ poſſunt
bono, vel malo animo fieri: de quibus (ut ait D. Aug.
ſerm. Dom. in monte) temerarium eſt judicare: quæ
communiter vocantur indifferentia ſecundum ſpe-
ciem, vel ex objecto. An autem hæc opera valeant
eſſe ſecundum individuum indifferentia? Acriter,
accuratiſſimèque exagitur in ſcholis, præcipuè in-
ter Discip. D. Thæ. & Doct. ſubr. Nos verò tanti Ma-
giſtri, tantæque luminis claritatem ſecuti, actum in-
differentem ſecundum individuum abſolute non
dari, conſtanter pro viribus (Veſperè)
deſenſamus.

Mineralis parabitur palæſtra die 17. Sept. in hac PP. Cle-
ricorum Regularium Minorum Spiritui Sancto Domo, ubi de-
ſenſurus aſtabit P. JOANNES LLOR, ſub tutela P. DIDA-
CI GODOY, Sacra Theologiæ Lectoris Jubilati, hujus-
que Provinciæ Procuratoris Provincialis.